

Vedtekter for Imsland Bygdahus S/A, Vindafjord kommune

Vedtatt i ekstraordinært årsmøte 5.des. 2012

§1 Namn og Selskapsform

Imsland Bygdahus S/A er eit samvirkeforetak med vekslande medlemstal, vekslande kapital og avgrensa ansvar.

§2 Føremål

Føremålet med laget er å reisa og driva eit bygdehus for på den måten å skaffa innbyggjarane på staden ein høveleg samlingsstad med rom for møter, festar, kino, teaterframsyningar, konsertar, studierom , idrettslokale. m.m.

§3 Bruk av huset

Bygdahuset skal stå ope for alle lovlege føremål. Ingen må stengjast ute på grunn av religiøse, sosiale eller politiske syn.

Huset vert elles disponert slik som styringsorgana i andelslaget finn det føremålstenleg.

Det skal takast omsyn til den økonomiske situasjonen til kvar tid, og til sosiale og kulturelle føremål som huset skal gi plass til.

Leigevilkåra skal være dei same for alle som nyttar huset, anten dei er andelseigerar eller ikkje.

Dersom det vert usemje om bruken av bygdahuset, skal saka avgjerast av kommunestyret eller den som kommunestyre gjev fullmakt til.

§4 Andelane

Andeler i laget kan teiknast av organisasjonar, lag, institusjonar og einskildpersonar, i form av kontantinnskot, naturalia eller dugnadsarbeid.

Andelslaget har to eigegrupper, organisasjonen, lag , institusjonar som eig andel i laget , utgjør A - gruppa.

Einskildpersonar som eig andeler , utgjør B- gruppa.

Andelseigerne har ikkje ansvar for laget sine plikter utover andelene som er teikna.

Kvar andel i A- gruppa er sett til kr 1000, og i B- gruppa til kr 250. Andelene skal ikkje forrentast. Det skal førast serskild protokoll over A- andelseigarar og tal på andelene deira. Andeler skal ikkje innløysast ved utmelding.

Laget har ikkje andre innskot.

§5 Overdragelse av andeler

Det er ikkje høve til å overdra andeler til andre utan at styret for andellaget samtykkjer.

§6 Styringsorgan

Samvirket har desse styringsorgana:

Representantskap, samansett av representantar for andelseigerane.

Styret, vald av representantskapet.

§7 Representantskapet

Representantskapet er sammensett av representantar for andelseigerane. Andelseigerane sin representasjon skal reknast etter talet på innbetalte andelar. Andelseigerane i A-gruppa har representasjonsrett i representantskapet slik:

Imsland Sanitetsforening	3 repr.
Imsland Bondelag	1 repr.
Imsland Bygdekvinnelag	1 repr.
Vindafjord Idrettslag	1 repr.
Vindafjord Kommune	1 repr.

Andelseigerane i B- gruppa har til saman rett til fem representanter og desse blir valde for 2 år. For kvart medlem skal det veljast ein personlig varamann. Valet blir føretatt i forkant av årsmøte.

§8 Møte i representantskapet

Representantskapet held årleg sitt årsmøte.

Formannen i representantskapet i samråd med styret i andelslaget kallar inn til representantskapsmøte, som skal kunngjerast gjennom lokalpressa, ved brev eller oppslag minst ein månad før møtet skal haldast.

Framlegg som nokon måtte ynskja å få handsama på møtet må være send til leiaren i representantskapet minst 14 dagar i førevegen.

Endeleg saklista skal sendast ut ei veke før møtet vert halde.

I møte i representantskapet har kvar representant ei røyst.

Representantskapet er vedtakført når minst 2/3 av representantane er tilstades.

Det kan ikkje gjerast vedtak i andre saker enn dei som står på saklista.

Dei andelseigerane som ikkje er representerte på møte, er bundne av dei vedtaka som vert gjorde.

Møte vert styrt av leiaren i representantskapet.

Skrivaren for styret i andelslaget er møteskrivar.

Styret og revisorane i andelslaget er med på møte i representantskapet med tale og framleggsrett, men har ikkje røysterett.

Representantskapsmøte vel to medlemmer til å skriva under møteboka, som skal sendast alle representantskapsmedlemmene etter kvart møte.

§9 Årsmøte i representantskapet

Årsmøte i representantskapet er øverste organ i samirket.

Det vert halde innan utgangen av februar og har til vanlig føre:

1. Årsmelding og reknskap
2. Framlegg til budsjett for komande år.
3. Val av leiar i representantskapet for komande år. (Vald blant representantane.)
4. Val av styremedlemmer m/varamenn, leiar og nestleiar.
5. Val av revisorar
6. Andre saker som står på saklista

Til å førebu valet på neste årsmøte vel representantskapet ei valnemnd på 3 medlemmer der ein ny blir vald kvart år.

§10 Ekstraordinært årsmøte

Ekstraordinært årsmøte i representantskapet kan kallast inn av styret, eller når andeleigerane som representerer minst 1/3 av andelene krev det.

Ekstraordinært årsmøte kan berre ha føre saker som er sette opp på saklista for dette møtet.

§11 Styret

Styret i samvirket skal ha minst fem medlemmer, med varamenn. Styret skal veljast for 2 år. Av dei som er valde ved første valet, går to ut etter 1 år etter lutdraging, og deretter dei som har gjort lengst teneste i styret.

Når eit medlem i representantskapet vert vald inn i styret, vert varamannen medlem i representantskapet.

Styreformann og nestleiar vert valde av årsmøte. Skrivar vert vald av og innan styret. Styret kan ta avgjerd i saker når meir enn halvparten av styremedlemmene er tilstades, mellom dei formannen eller varaformannen.

Ved like røystetal vert saka utsett.

Styret skal setja i verk vedtaka i andelslaget og tek elles dei avgjerder som drifta av Bygdahuset krev.

Styret har ikkje høve til å selja, pantsette eller på annen måte hefta laget sine faste eigedomar.

Styret kan heller ikkje gjera avtale om kausjonplikter av nokon slag, eller bruka laget sine inntekter til anna enn vedlikehald og drifta av huset.

Det skal førast møtebok for styremøte.

Møteboka skal underskrivast av dei styremedlemmene som er til stades.

Underskrifta til formannen, eller i hans fråvær underskrifta til varaformann, er bindande for laget.

§12 Forretningsførar, vaktmeister og anna arbeidshjelp

Styret kan tilsette forretningsførar, vaktmeister og anna arbeidshjelp etter at representantskapet har gjort vedtak om at det blir oppretta slike stillingar.

Laget skal ikkje ha tilsett dagleg leiar.

Styret leiar og har tilsyn med arbeidet til forretningsføraren og vaktmeisteren.

Dei tilsette skal rette seg etter påbod som styret eller leiaren gjev.

For stilling gjeld instruks utarbeidd av styret og godkjent av representantskapet.

§13 Rekneskap og budsjett

Styret skal syta for at det vart ført tilfredsstillande rekneskap.

Rekneskapet fyljer kalenderåret og vert gjort opp og avslutta pr 31. desember.

§14 Disponering av overskott

Samvirket sitt overskott skal brukast til laget sitt føremål. Avkastning skal bli verande i samvirket.

§15 Revisjon og kontrollnemnd

Årsmøte i samvirket skal velja ein eller fleire revisorar med turvande fagkunnskap.

Revisjonen skal utførast etter dei instruksar som partlaget fastsetter.

Dersom samvirket har tilsett revisor, vel årsmøte i representantskapet ei kontrollnemnd på tre medlemmer som gjennom går revisjonsmerknader og styreprotokoll og gjev si tilråding til årsmøte.

§16 Endring av vedtektene

Endringar av vedtektene kan gjerast på årsmøte i samvirket og krev minst 2/3 fleirtal av dei røystane som er gjevne.

Framlegg til endring av vedtektene må være komne til styret seinast tre månadar før samvirket har årsmøte.

Eventuelle vedtektsendringar skal straks sendast til Kulturdepartementet.

§17 Oppløysning

Vedtak om oppløysing av eller overdraging av eiga kan berre gjerast på årsmøte i laget der alle andelseigarane er innkalla.

Dersom oppløysing eller overdragelse av eiga skal kunne vedtakast må minst 2/3 av stemmene vera representerte og minst 2/3 av dei avgjevne røystene vera for framlegget.

Dersom ikkje 2/3 av røystene er representert på møtet, kan oppløysing eller overdragelse av eiga likevel vedtakast dersom 2/3 av dei frammøtte på eit nytt møte, der alle andelseigerane er innkalla med minst ein månads varsel, røystar for framlegget, og då utan omsyn til talet på representerte røyster.

Ved eventuell oppløysing skal nettoeiga delast til kvart lag etter tal A-andeler i samvirket.